

見被褐之言不謬云

樂物吟

物有聲色氣味人有耳目口鼻萬物于人一身反觀莫不全備

野軒

一軒名野非塵境嵩少煙岑送好風日月歲時都屬已更於何處覓壺中

汗亭

許由爲計未爲深洗耳何如不動心到此灑然如世外何嘗更有事來侵

書睡

道藏輯要

擊壤集

齋川上又四星集七

晝睡工夫未易偕羲皇以上合安排心間無事飽食後園裏有時閒步回未午庭柯鶯屢囀已殘花徑客稀來請觀世上多愁者枕簟雖涼無此懷

進退吟

進退兩途皆曰賓何煩坐上苦云云低眉坐處當周物掉臂行時莫顧人齒髮旣衰非少日林泉能老是長春行於無事人知否寵辱何由得到身

攝生吟

握固如嬰兒作氣如壯士二者非自然皆出不容易心爲身之主志者氣之帥沈珠于深淵養自己天地